

律

梁元帝御製集卷之六



梁世祖孝元皇帝蕭繹著

表

薦鮑幾表

臣聞思皇多士仄陋所以明敷疇咨熙載髦俊
所以並作斯固殷殿初基拾龍淵之寶虞祠始
構獻鳳管之玉旌蒲出魯賁帛歸齊頌聲旣興
盛業斯在伏惟陛下則天緯地乘正馭才沙汰
八風澄明六合叶龜登夢之客日賁於丘園韋

轂投釣之臣相望於魏闕故以物無遺寶矣振
鷺有克庭之謳白駒罕空谷之詠洋洋濟濟無
得而稱者焉臣誠愧知才職非選舉竊以進賢
上賞蔽賢顯戮敢緣斯義用舉所知伏見鮑幾
門庭雍睦立身貞退博涉文史頗閑刀筆忠公
抗直出宰廉平雅志弘深安貧專靜解巾入仕
三十餘年自遊臣府一紀于茲前宰東邑實有
二魯之風近處南臺欲尊兩鮑之則伏揆天嚴
已當簡在脫蒙顯居良局登以清貫將齊毛玠
古人之服實同吳隱酌水之廉昔丁隈牧州陳
顧翟之好禮徐靖爲郡薦袁渙之篤學桓範驅
傳先舉管寧朱則剖符亦稱董直臣才非徃哲
識愧前脩輕塵聽覽伏待斧鉞

軍吳郡顧協行栢門
量遠安貧專靜解巾入仕

舉所臣知識非許郭雖無知人之鑒若守固無言
懼貽蔽賢之咎昔孔愉表韓續之才庾亮薦翟
湯之德臣雖未齒二臣協實無慚兩士

請於州立學校表

臣聞公宮之南四術四教司樂成均六詩六律
韶濩既舞羽籥之道行焉黨塾茲備離經之志
辯焉故不升嵩霍豈識乾行之峻不臨溟渤安
知地載之厚洎乎秦焚金篆周亡玉鏡羣言爭
亂諸子相騰書則夏侯歐陽易則神輸道訓詩
乃齊魯毛韓傳稱鄒左張夾禮有曲臺王史之
異樂有龍德趙定之殊伏惟陛下撫五辰而建
五長播九德而導九州容城為曆興景雲之瑞

伶倫吹律應黃鍾之琯撥亂反正經武也制禮
作樂緯文也若非六經庖厨百家異饌三墳爲
瑚璉五典爲笙簧豈能暴以秋暘紆就望之景
濯以江漢播垂天之澤

上忠臣傳表

資父事君寔曰嚴敬求忠出孝義兼臣子是以
冬溫夏清盡事君之節進思將美懷出奉之義
羲軒改物殷周受命三能十亂九棘五臣靡不
夙夜在公忠爲令德若使縉雲得姓之子姬昌
魯衛之臣是知理合君親孝忠一體性與率由
因心致極臣連華霄漢憑暉日月三握再吐夙
奉紫庭之慈春詩秋禮早蒙丹宸之訓宣帝褒
德麟閣畫克國之形顯宗念功雲臺圖仲華之

象

魯蒲之曰長甲聖合吾思
 鳳齊五公忠為令
 奏神如際周受命三
 冬盛夏青蓋率吾之
 資父事君其曰
 上忠曰

遷荊州輸江州節表

周有掌節之職漢有符節之令所以子孫慷慨
 忠肅勤王無絕終古有高前載臣自擁旄鶴塞
 執茲龍節幸逢銀山自溢玉燭調年雖免茂弘
 之譏竟微辛毗之勇

啓上穀克軍糧啓

臣聞金城千仞必資守粟革車千乘具在饋實
 願武車綏旌列飛鴻之行陳奉辭受脰揜犖獸
 於貔虎賈遠渠水雖曰難蹤梁習勸農竊知自
 勉周南留滯伏深懇仰

慶南郊啓

大裘而冕陶匏以質黃鍾既奏雲門斯舞樂諧
六變歌陳九德感天動神式展誠敬

上東宮古跡啓

師宜八分之巧元常三體之妙史籀李斯之篆
梁鵠曹喜之書莫不愬華桂宮盈滿甲館竊以
鸞驚之奇旣聞之於索靖鷹時之巧又顯之於
蔡邕是以游霧重雲傳敬禮之法烏鰓魚頰表
楊泉之賦頗好六文多慙三禮尚方大篆旣其
牢落柱下方書何曾髣髴空慕河間之聚書竟
微東平之獻表齊攸尺牘顧已缺然北海楷隸
終成難擬

上東宮薦石門侯啓

切以鳳鳴朝陽必資藍田之寶龍門點額亦俟
堂溪之珍是以紫玉見稱黃金爲貴文傳夢鳥
學重靈虵點漆凝脂事逾衛玠渾金璞玉才疋
山濤昔翟湯隱逸見稱庾亮陳平噐局被薦無
知以人廢言誠增悚聳進賢上賞伏待慈照

謝勅賜第啓

竊以漢賜五倫寔云清吏魏寵衛臻用旌庸直
未如靈允輪奐睢陽爽塏北連城闕有似甄侯
之舍東望市鄜榮深豫章之圃昔狼望未平冠
軍辭宅馬池猶隔雍丘讓邸臣慙霍曹遠志但
識君命無違再思庸陋九殞非荅

梁元帝集 卷六
謝勅賜褥啓

昔漢后錫貂魏君送褥未有玄纁來王黃龍作
貢便覺蕭脊非遙挹婁無遠

謝上畫蒙勅褒賞啓

臣簿領餘暇竊愛丹青雲臺之像終微髣髴宜
室之圖更難議擬成蠅罕術畫馬疎才文非世
將恩深晉帝之賞跡愧景山寵踰魏皇之詔

謝賚車螯蛤蜊啓

車螯味高食部名陳物志蛤蜊聲重前論見珍
若士並東海波臣西王母藥雀文始化燕羽猶
在體潤珠胎形隨月減

謝勅送齊王瑞像還啓

臣聞非晦非明法身凝寂有感有見渴仰赴幾
伏惟陛下百姓爲心宜觀衆覺十方皆是普照
王畿將使化行南國乃睠西顧江水安流大川
利涉鮮雲鬢鬣暫掩晨離甘雨霏微猶藏宿霧
高明可仰與天花而俱落清楚騰空雜塤篋以
相韻頂禮最勝敬謁法王瞻彼堵墻不足爲喻
立處針鋒弗云易擬臣身持淨戒心并法流接
足道周膜拜路左得未曾有喜躍克遍

謝東宮賚陸探微畫啓

工踰畫馬巧邁圖龍試映玉池卽看魚動還傍
金屏復疑蠅集史遷暫覩懸識留侯之貌漢帝
一瞻便見王媪之像

謝東宮賜彈碁局啓

繹本慙游藝彌愧拂巾鳳峙鷹揚信難議擬鳥
跂星懸曾何髣髴蓮花未易玉屑不工緣邊之
法庶遵細柳之陣徘徊之勢方希明月之樓子
桓有錫闢於邃古季緒蒙賜卽事可傳

謝東宮賚貂蟬啓

挹婁之毳曲降鴻恩麗水之玕復蒙殊獎東平
紫貂之賜非聞暖額中山黃金之錫豈曰附蟬
坐變仲尼之容增暉允南之貌

謝東宮賚寶枕啓

泰山之藥旣使延齡長生之枕能令益壽黃金
可化豈直劉向之書陽燧含火方得葛洪之說
况復重安玳瑁獨勝瑰材方松非匹稱榴未擬

謝東宮賚花釵啓

芑亂九衢花合四照田文之珥慙於寶菜王粲
之詠慙此采蓮九宮之璫豈直黃香之賦三珠
之釵敢高崔瑗之說况以麗玉澄暉遠過玳瑁
之飾精金曜首高踐翡翠之名

謝東宮賚辟邪子錦白褊等啓

伏承賚辟邪子錦白褊等者江波可濯豈藉成
都之水登高爲豔取映鳳皇之文至如鮮潔齊
紈聲高趙縠色方藍浦光譬靈山試以照花含
燭銀之狀將持比月亂合璧之暉

謝東宮賚塵尾錦帔團扇等啓

楊雄口訥本貴談端田蚡貌寢終於麗飾始興
之扇方斯非擬鄴中之錦匹此爲輕方願弘此
仁風旣動承華之氣服茲懷袖復比文若之香

爲妾弘夜姝謝東宮賚合心花釵啓

未得投壺先應含笑不因鸞鳳自能歌舞夜姝
昔住陽臺雖逢四照曾游澧浦慣識九衢未有
仍代爵釵還勝翠羽飾以南金裝茲麗玉脩靡
夫人本分章華之裏中山孺子獨荷春宮之恩
有志當熊無期投閣

爲妾夏玉豐謝東宮賚錦啓

舒將金石堪來暮雨縈持結纜剩可蕩舟秦川
書字妙能八體鄴縣登高眞堪九日宋姬贈馬
未足爲榮馮媛乘車方茲非寵

謝東宮賚蒸栗牛啓

色似秘府之書毛類陳王之玉驂角未奇瑩蹄
非貴

謝東宮賚瓜啓

金榮始薦瓊蕊載珍味奪蔗漿其如石蜜

謝晉安王賜馬啓

繹武媿仲都遂蒙大驪之錫儒謝春卿空頌名
馬之賚故以取方麟友自足龍媒不待景公婉
如齊畫無勞馬援翻等漢銅豈有滅沒黑龍連
翩白馬錢文見重津名取貴相彼騏驎猶深戀
主矧伊伏櫪彌結懷恩

主用其大聖爾古實是

論曰愚茲文具重事以須貴味亦無難言彩戀
收齊畫無等愚辨隨等真隨宜亦漸安愚請事
愚之資好以如大愚亦自以指教不為其公敏
學五賦中猶發蒙大黜之疑爾請有以公
愚晉安王恩愚也

梁元帝御製集卷之七

梁世祖孝元皇帝蕭繹著

書

與劉孝綽書

君屏居多暇差得肆意典墳吟詠情性比復希
數古人不以委約而能不伎癢且虞卿史遷由
斯而作想摘屬之興益當不少洛地紙貴京師
名動彼此一時何其盛也近在道務閒微得點
翰雖無紀行之作頗有懷舊之篇至此已來衆

諸屑役小生之詆恐取辱於廬江遮道之女奴慮
興謀於從事方且褰帷自厲求瘼不休筆墨之
功曾何暇豫至於心乎愛矣未嘗有歇思樂惠
音清風靡聞譬夫夢想溫玉饑渴明珠雖愧下
隨猶爲好事新有所製想能示之勿等清慮徒
虛其請無由賞悉遣此代懷數路計行遲還芳
札

劉孝綽荅湘東王書附

伏承自辭皇邑爰至荆臺未勞刺舉且擢高

麗近雖預觀尺錦而不覩全玉昔臨淄詞賦
悉與楊脩未殫寶笥顧慙先哲渚宮舊俗朝
衣多故李固之薦二邦徐瑜之奏七邑威懷
之道兼而有之當欲使金石流功耻用翰墨
垂迹雖乖知二偶達聖心爰自還居素里却
掃窮閭比楊倫之不出譬張摯之杜門昔趙
卿窮愁肆言得失漢臣鬱志廣敘盛衰彼此
一時擬非其匹竊以文豹何辜以文爲罪由
此而談又何容易故鞞翰吮墨多歷寒暑旣

闕子幼南山之歌又微敬通渭水之賦無以
自同獻笑少酬褒誘且才乖體物不擬作於
玄根事殊宿諾寧貽懼於朱亥顧已反躬載
懷累息但瞻言漢廣邈若天涯區區一心分
宵九逝殿下降情白屋存問相尋食椹懷音
矧伊人矣

荅晉安王敘南康王薨書

南康兄噐宇冲貴風神英挺魏之中山徒聞邊
讓晉之扶風雖號師範用今方昔若吞夢雲及
尋陽私疾奉感神明殆不勝喪扶而後起猶冀
天道可期豈謂福善虛說且分違易久嘉會難
逢綢繆宮闈不過紈綺之歲離羣作鎮動迴星
紀之曆志董雙鸞之集遽居四鳥之悲松茂柏
悅夙昔歡忤芝焚蕙歎今用嗚咽

荅劉縮求述制旨義書

學山學海未臻其極為龍為光或從王事所賴
昔經陝服頗足良書憑几據梧靜供遊目枕中
之記即用為枕帷前之帙仍可為帷對此自娛
敬以待命叩而必應已謝懸鐘波而無竭復乖
井養

與蕭挹書

澗別清顏忽焉已久未復音息勞望情深暑氣
方隆恒保清善握蘭雲閣解紱龍樓允膺妙選
良為幸甚想同僚多士方駕連曹雅步南宮容
與自玩士衡已後惟在茲日唯昆與季文藻相
暉二陸三張豈獨擅美比暇日無事時復含毫
頗有賦詩別當相簡但衡巫峻極漢水悠長何
時把袂共披心腹

梁元帝集 卷七
與學生書

吾聞斲玉爲噐論乎知道惟山出泉譬乎從學
是以執射執御雖聖猶然爲弓爲箕不無以矣
抑又聞曰漢人流麥晉人聚螢安有挾冊讀書
不覺風雨以至朗月章奏不知燭火爲微所以
然者良有以夫可久可大莫過乎學求之於已
道在則尊

與劉智藏書

菩薩蕭法車置郵大士劉智藏侍者自林宗遊
反玄度言歸以結元禮之心彌益真長之歎故
以臨風望美對月懷賢有勞寤寐無忘興寢方
今玄冥在節歲聿云邁日似青緹雲浮紅蕊清
臺炭重北宮井溢想禪說爲娛稍符九次成誦
之功轉探三密山間芳杜自有松竹之娛巖穴
鳴琴非無薜蘿之致脩德之暇差足樂也昔韓
梅兩福求羊二仲鄭林騰名於馮翊周黨傳芳

於太原或有百鎰可捐千金非貴松子爲餐蒲
根是服未有高蹈真如歸宗法海梵王四鶴集
林籟而相鳴帝釋千馬經丘園而跼步有一於
此猶或稱奇兼而總之何其盛也故知南臨之
水已類呂梁之川北眺之山彌同武安之嶺豈
復還思激浦尙想疆臺睠彼漢池載懷荒谷以
此相求心可知矣僕久厭塵邦本懷人外加以
服膺常往諷味了因彌用思齊每增求友常欲
登却月之嶺蔭偃蓋之松挹璇玉之源解蓮華
之劍藩維有限脫屣無由每坐向詡之牀恒思
管寧之榻夢匡山而太息想桓亭而延佇白雲
間之蒼江不極未因抵掌我勞如何想無金玉
數在郵示弱水難航猶致書於青鳥流川弗遠
佇芳音於赤玉鶴望還信以代萱蘇得志忘言
此寧多述法車叩頭叩頭

此寧多與去車明顯如顯

升其音外赤王麟空數計以升宣滿其志或言
環五滙示極水蟻辨驚庭管公青鳥或似其慶
問之蒼宮不赫未因丹掌并帶其以無金庄
管寧之賦高到山而太息感時氣而西對前雲
之險蕃縣育別孤孤無由可坐前海之縣或思

與蕭諮議等書

蓋聞圓光七尺上映真珠之雲面門五色旁臨
珊瑚之地化為金案奪麗水之珍變同珂雪高
玄霜之彩豈不有機則感感而遂通有神則智
智而必斷故碧玉之樓升堂未易紫紉之殿入
室為難必須五根之信以信為首六度之檀以
檀為上故能捨財從信去有即空率斯而談良
可知矣竊以瑞像放光倏將旬日蹈舞之深形
於寤寐杵躍之誠結於興寢稍覺十字之蒸喘

何曾之饌五鼎之味笑主偃之辭龜羹麟脯空
聞其說羊酪猩脣曷足云也困于酒食未若過
中不餐螺蚶登俎豈及春蔬為淨欲吾子三日
潔齋自寅至戌一中而已自有米如玉銚鹽類
虎形雲夢之芹遼東之藻十斤之梨千樹之橘
青筍紫薑固栗霜棗適口克腸無索弗獲八功
德水並入法流四王俱至偕讓弘道同志為友
豈不盛歟蕭繹疏

與武陵王紀書四首

紀為益州刺史侯景陷臺城紀移告諸
州征鎮元帝時為湘東王報紀以武帝
凶問紀總戎將發益鎮帝使胡
智鑑至蜀書止之又別紙云

蜀中斗絕易動難安弟可鎮之我自當滅賊

又別紙

地擬孫劉各安境界情深魯衛書信恒通

又

皇帝敬問假黃鉞太尉武陵王自九黎侵軼三
苗寇擾天常喪亂獯醜憑陵虔劉象魏黍離王

室朕枕戈東望泣血西浮殞愛子於二方無諸
侯之八百身被屬甲手貫流矢俄而風樹之酷
萬恨始纏霜露之悲百憂繼集扣心飲膽志不
圖全直以宗社綴旒鯨鯢未翦嘗膽待旦龔行
天罰獨運四聰坐揮八柄雖復結壇待將褰帷
納士拒赤壁之兵無謀於魯肅燒烏巢之米不
訪於荀攸才智將殫金貝殆竭傍無寸助險阻
備嘗遂得斬長狄於駒門挫蚩尤於楓木怨耻
既雪天下無塵經營四方專資一力方與岳牧

同茲清靜隆暑炎赫弟比如何文武具僚當有
勞弊今遣散騎常侍光州刺史鄭安忠指宣往

懷

存都信賢兄博士平安

述王又已

爲家臣陸緬身克卒伍惟

甚苦大智季月煩暑流金鑠石聚蚊成雷封狐
千里以茲玉體辛苦行陣乃眷西顧我勞如何
自獯醜憑陵羯胡叛渙吾年爲一日之長屬有
平亂之功膺此樂推事歸當壁儻遣使乎良所
遲也如日不然於此投筆友于兄弟分形共氣

兄肥弟瘦無復相代之期讓棗推梨長罷權愉
之日上林靜拱聞四鳥之哀鳴宣室披圖嗟萬
始之長逝心乎愛矣書不盡言

千里以茲王豔辛若子車已看西陵外昔年

甚苦大昏季日歟晷流金糶石懇地烈雷挂爪

納士又赤壁之兵無謀於營前悅

謝於荀攸不智將軍

帶樂今豈藉鴻常科米

風茲素精劉景炎赫

遺周弘直書

弘直兄弘正為國子博士及侯景亂弘直為衡陽內史元帝在江陵遺弘直書

適有都信賢兄博士平安但京師搢紳無不附
途王克已為家臣陸緬身克卒伍惟有周生確
乎不拔言及西軍潺湲掩淚恒思吾至如望歲
焉松柏後凋一人而已

梁元帝集 卷八
與周弘正書

王僧辨之討侯景也弘正與弟弘讓自
拔迎軍僧辨甚喜即日啓帝帝手書與
弘正及至授黃門
侍郎直侍中省

焦醜逾亂寒暑亟離海內相識零落畧盡韓非
之智不免秦獄劉歆之學猶弊亡新音塵不嗣
每以耿耿常欲訪山東而尋子雲問關西而求
伯起遇有今信力附相聞遲比來卸慰其延佇

荅王僧辯獻橘書

世祖爲荊州刺史僧辯獲橘
三十子共蒂以獻世祖荅之

昔文康獻橘十有二子用今方古彼有慙色今
景之克惡旣稔凱歌之聲已及嘉瑞遠臻但增
歡慰

遺王僧辯論討侯景書

賊既乘勝必將西下不勞遠擊但守巴丘以逸待勞無慮不克

內相

賜劉璠書

元帝承制授璠樹功將軍
鎮西府諮議參軍賜書

鄧禹文學尚或執戈葛洪書生且云破賊前脩無遠屬望良深

漢元帝集 卷七
責鮑泉書

泉美鬚髯善舉止元帝承制累遷信州
刺史專征長沙久而不尅帝數泉二十
罪爲書
責之

面如冠玉還疑木偶鬚似蝟毛徒勞繞涿

答齊國餉雙馬書二首

名重桂條形圖柳谷襄陽地穴近求未易滇池
水裏遠訪猶難價足龍媒聲齊驥子河精曜采
似伏波之鑄銅震象飛文笑東瀛之刻玉加以
控斯銀勒利此金銜鞍揭鏤衢光含兩月繮縈
紫縷色麗雙絲方嗤晉后恒乘鄭國之駟更鄙
曹君惟餉蜀王之馬

又

於戲馬之爲用遠矣大矣斯所以乾爲瘠馬震
爲馬足有是哉有是哉何則泮渙而馳可以及
日躑躅而蹠可以追風赤菟之騰聲的顱之濟
主陳王有勒羈之說班生有纏絆之談抑聞斯
美遠勞此費懷哉懷哉老生不云乎雖有拱壁
以先駟馬良用此道中心藏之何日忘之

梁孝元皇帝御製集卷之八

梁世祖孝元皇帝蕭繹著

序

簡文帝法寶聯璧序

竊以觀乎天文日月所以貞麗觀乎人文藻火
所以昭發况復玉毫朗照出天人之表金牒空
解生文章之外雖境智冥焉言語斯絕詠歌作
焉可畧談矣粵乃書稱湯誥篇陳夢說昔則王
畿居亳今則帝業維揚功施天下我之自出豈

與姚墟石紐譙城溫縣御龍居夏唐杜入周而
已哉皇帝垂衣負宸辨友正位車書之所會同
南暨交趾風雲之所沾被西漸流沙武實止戈
秉宜生之劍樂彰治定滅危犧之瑟相兼二八
知微知彰將稱四七如龜如虎寧俟容成翠屋
之遊廣成石室之會故以宗心者忘相歸憑者
常樂昔轉輪護法南宮有金龍之瑞梵天請道
東朝開寶蓋之祥盡管盡美獨高皇代古者所
以出師入保冬狝秋齋實以周頌幼冲用資端
士漢盈末學取憑通議大傳之論孟侯小戴之
談司業山川珍異俟郊迎而可知帷幄後言籍
墾田而求驗以今方昔事則不然我副君業邁
宣尼道高啓筮之作聲超姬發寧假卞蘭之頌
譬衡華之峻極如渤海之波瀾顯忠立孝行修
言道博施尚仁動微成務智察舞雩爰分封蟻
爰初登仕明試以功德加三輔威行九流董師
虎據操鉞蟬冕津卿沈濟物仰平分之恩沂岱
邛岷民思後來之政陳蒼留反裘之化淮海高

墨憤之聲威漸黃支化行赤谷南通舜玉北平
堯柳朝鮮航海夜卽款塞然後體道方震雨施
雲行漢用戊申晉維庚午增暉前曜獨擅元貞
恩若春風惠如冬日履道爲輿策賢成駟降意
韋編留神緗帙許商算術王圍射譜南龜異說
東馳雜賦任良奕基美門式法箴興琴劍銘自
盤盂無不若指諸掌尋涇辨渭重以鳳豔風飛
鸞文鸞豎織者入無倫大者含元氣韻調律呂
藻震玄黃豈俟取讚彥先詢聞雅主至於鹿園
深義龍宮與說遠命學徒親登講肆詞爲憲章
言成楷式往復王粲事軼魏儲酬答蔡謨道高
晉兩似懸鐘之應響猶衢樽之待酌率邇者踵
武逖聽者風聲是使金堅秘法寶冥夕夢無懷
不滅華胥夜感自非建慧橋明智劍薰戒香沐
定水何以空積忽微歷賢劫而終現黍累迴幹
蘊珠藏而方傳加以大秦之籍非符八體康居
之篆有異六爻二乘始闢譬馬傳兔一體同歸
棄犀崇象潤業滋多見思平積本有疑邈了正

相因雖談假績不攝單影卽此後心還蹤初焰
俱宗出倒蓮華起乎淤泥並會集藏明珠曜於
貧女性相常空般若無五時之說不生煩惱涅
槃爲萬德之宗無不酌其菁華撮其旨要採彼
猗鱗拾茲翠羽潤珠隨水抵玉崑山每至鶴關
且啓黃綺之儔朝集魚燈夕朗陳吳之徒晚侍
皆仰稟神規躬承睿旨爰錫嘉名謂之聯壁聯
含珠而可擬璧與月而方升以今歲次攝提星
在監德百法明門於茲總備千金不刊獨高斯
典合二百二十卷號曰法寶聯壁雖玉杯繁露
若倚蒹葭金臺鑿楹似吞雲夢繹自伏櫪西河
攝官南國十迴鳳瑄一奉龍光筆削未勤徒榮
卜商之序稽古盛則又慚安國之製謹抄纂爵
位陳諸左方

道孝伯嘉賓玄度

出刺諸式式

牛商之京蘇古盪順又漸安國之變苗以蔡續
職官南園十賦鳳華一素請出華州未確其榮
昔尚兼莳金臺鑿賦以吞雲夢等自於瀝西風
典合二百二十卷照曰去寶部聖聖王初德靈

內典碑銘集林序

夫法性空寂心行處斷感而遂通隨方接引故
鵲園善誘馬苑弘宣白林將謝青樹已列是宜
金牒方寄銀身自象教東流化行南國吳主至
誠歷七霄而光曜晉王畫像經五帝而彌新次
道孝伯嘉賓玄度斯數子者亦一代名人或修
理止於伽藍或歸心盡於談論銘頌所稱興公
而已夫披文相質博約溫潤吾聞斯語未見其
人班固碩學尚云讚頌相似陸機鉤深猶聞碑

賦如一唯伯喈作銘林宗無愧德祖能誦元常
善書一時之盛莫得係踵况般若玄淵真如妙
密觸言成累係境非真金石何書銘頌誰闡然
建塔紀功招提立寺或興造有由或誓願所記
故鐫之玄石傳諸不朽亦有息心應供是日桑
門或謂智囊或稱印手高座擅名預師尹之席
道林見重陪飛龍之座峩眉廬阜之賢鄴中宛
鄧之哲昭哉史冊可得而詳故碑文之興斯焉
尚矣夫世代亟改論文之理非一時事推移屬

詞之體或異但繁則傷弱率則恨省存華則失
體從實則無味或引事雖博其意猶同或新意
雖竒無所倚約或首尾倫帖事似牽課或復博
涉體製不工能使豔而不華質而不野博而不
繁省而不率文而有質約而能潤事隨意轉理
逐言深所謂菁華無以間也予幼好雕蟲長而
彌篤遊心釋典寓目詞林頃常搜聚有懷著述
譬諸法海無讓波瀾亦等須彌歸同一色故不
擇高卑唯能是與儻未詳悉隨而足之名爲內

典碑銘集林合三十卷庶將來君子或禪觀見
馬

悉高將世歸青華無以問世于及于期壽及而
烈翁而不率文而有賢孫而請職事則意轉聖
遊艷變不工損與盡而不率寶而不理器而不
輟音無祖尚除如首身命則事及率精如對物
黠外寶眼無利如如事雖則其法益富而如深意
請之黠如異身樂眼則深率如如外會外率眼夫

職貢圖序

竊聞職方氏掌天下之圖四夷八蠻七閩九貉
其所由來久矣漢氏以來南兗旅距西域憑陵
劊金城開玉關絕夜郎討日逐覩犀甲則建朱
崖聞蒲萄則通大宛以德懷遠異乎是哉皇帝
君臨天下之四十載垂衣裳而賴兆民坐巖廊
而彰萬國梯山航海交臂屈膝占雲望日重譯
至馬自塞以西萬八千里路之夾尺有六寸高
山尋雲深谷絕景雪無冬夏與白雲而其色冰

有密雲能擁西郊之氣爻通七聖世經三古山
陽王氏直解談玄河東郭生纔能射覆兼而兩
之竊自許矣

全德志序

老子言全德歸厚莊周云全德不刑呂覽稱全
德之人故以全德創其名也此志陸大夫爲首
伊人有學有辯不夭不貧寶劍在前鼓瑟從後
連環炙輠雍容卒歲駟馬高車優游宴喜旣令
公侯踞掌復使要荒蹶角入室生光豈非盛矣
若乃河宗九策事等神鈞陽雍雙璧理歸玄感
南陽樊重高閣連雲北海公沙門人成市咨此
八龍各傳一藝夾河兩郡家有萬石人生行樂

無早晚與素石而俱貞踰空棗而歷昆吾度青
丘而跨丹穴炎風弱水不革其心身熱頭痛不
改其節故以明珠翠羽之珍細而弗有龍文汗
血之驥卻而不乘尼丘乃聖猶有圖人之法晉
帝君臨寔聞樂賢之象甘泉寫闕氏之形後宮
玩單于之圖臣以不佞推轂上游夷歌成章胡
人遙集欵關蹶角沿泝荆門瞻其容貌訴其風
俗如有來朝京輦不涉漢南別加訪採以廣聞
見名爲職貢圖云爾

洞林序

蓋聞玄枵之野鬼方難測朱鳥之舍神道莫知
而緹幔曉披卽辨黃鍾之氣靈臺夕望便知玉
井之色復以談乎天者雖絕名言之外存乎我
者還居稱謂之中余幼學星文多歷歲稔海中
之書畧皆尋究巫咸之說偏得研求雖紫微迢
遞如觀掌握青龍顯晦易乎窺覽羨門五將亟
經玩習韓終六王常所寶愛至如周王白雉之
筮殷人飛燕之卜著名聚雪非關地極之山封

有密雲能擁西郊之氣爻通七聖世經三古山
陽王氏直解談玄河東郭生纔能射覆兼而兩
之竊自許矣

全德志序

老子言全德歸厚莊周云全德不刑呂覽稱全
德之人故以全德創其名也此志陸大夫爲首
伊人有學有辯不夭不貧寶劍在前鼓瑟從後
連環炙輠雍容卒歲駟馬高車優游宴喜旣令
公侯踞掌復使要荒蹶角入室生光豈非盛矣
若乃河宗九策事等神鈎陽雍雙璧理歸玄感
南陽樊重高閣連雲北海公沙門人成市咨此
八龍各傳一藝夾河兩郡家有萬石人生行樂

漢元帝集 卷八 九
止足爲先但使樽酒不空坐客恒蒲室與孟嘗
聞琴承睫淚下中山聽樂悲不自禁同年而語
也

丹陽尹傳序

傳曰大夫受郡漢書曰尹者正也及其用人實
難授受廣漢和顏接下子高自輔經術孫寶行
嚴霜之誅袁安留冬日之愛自二京版蕩五馬
南渡固乃上燭天文下應地理爾其地勢可得
而言東以赤山爲成臯南以長淮爲伊洛北以
鍾山爲華阜西以大江爲黃河旣變淮海爲神
州亦卽丹陽爲京尹雖得人之盛頗愧前賢而
眎遇之深多用宰輔皇上受圖負宸寶曆惟新

梁元帝集 卷八
制禮以告成功作樂以彰治定豈直四三皇六
五帝孕夏陶周而已哉若夫位以德叙德以位
成每念忝蒞京河茲焉四載以入安石之門思
勤王之政坐真長之室想清談之風求瘼餘晨
頗多暇景今綴采英賢爲丹陽尹傳

懷舊志序

吾自北守琅臺東探禹穴觀濤廣陵面金湯之
設險方舟宛委眺玉笥之干霄臨水登山命儔
嘯侶申年承乏攝牧神州戚里英賢尚冠髦俊
蔭真長之弱柳觀茂弘之舞鶴清酒繼進甘果
徐行長安郡公爲其延譽扶風長者刷其羽毛
於是駐伏熊廻文駟命鄒湛召王祥余顧而言
曰斯樂難常誠有之矣日月不居零露相半素
車白馬往矣不追春華秋實懷哉何已獨軫魂

交情深宿草故備書爵里陳懷舊焉

新首是安潛公為其至譽其風又皆無其法
劉真其之節神購其神之數謝其自學其果
齋卧中辛承之輯效師法烈里英賢尚其學
這劍大并家委洲王曾之千雷胡水登山命壽
吾自北守庭臺東將西穴騰海嶺刻面金為之
劉善志序

忠臣傳序

夫天地之大德曰生聖人之大寶曰位因生所
以盡孝因位所以立忠事君事父資敬之理寧
異為臣為子率由之道斯一忠為令德竊所景
行且孝子烈女逸民咸有別傳至於忠臣曾無
述製今將發篋陳書備加論討

梁元帝集 卷八
孝德傳序

夫天經地義聖人不加原始要終莫踰孝道能使甘泉自涌鄰火不焚出黃金天降神女感通之至良有可稱

梁元懷張纘詩序之九

簡憲之爲人也不事王侯負才任氣見余則申且達夕不能已已懷夫人之德何日忘之

全德志論

物我俱忘無貶廊廟之榮動寂同遣何累經綸之才雖坐三槐不妨家有二徑後五侯不妨門

且蠻文不誦日日對大...
簡憲之為人出下事王...
謝靈運詩序

梁元帝御製集卷之九

梁世祖孝元皇帝蕭繹著

論

全德志論

物我俱忘無貶廊廟之器動寂同遣何累經綸
之才雖坐三槐不妨家有三徑接五侯不妨門
垂五柳但使良園廣宅面水帶山饒其果而足
花卉葆筠篁而玩魚鳥九月肅霜時饗田畷三
春捧繭乍酬蠶妾酌升酒而歌南山烹羔豚而

擊西缶或出或處並以全身爲貴優之游之咸
以忘懷自逸若此衆君子可謂得之矣

碑鄭衆論

漢世銜命匈奴困而不辱者二人而已子卿手
持漢節卧伏冰霜仲師固無下拜隔絕水火况
復風生稽落日隱龍堆翰海飛沙臯蘭走雪豈
不酸鼻痛心憶雒陽之宮陛屑泣橫悲想長安
之城闕直以爲臣之道義不爲生事君之節生
爲義盡豈望板幽泉出重仞經長樂抵未央及
還望塞亭來依候火傍觀上郡側眺雲中雖在
已之願自隆而於時之報未盡

不錮鼻贏心謝駘賜之宮聖河山嶺悲慙尋安
身風主誓誓日謝請敬節感深少皇蘭式聖豈
卦冀潛恒外水霽中神固無干拜謝絲木火災
冀世濟命固對困而不翠者二人而日于職手

噴泉論

碑

皇太子講學碑

皇太子游雷種德重離作兩業冠孟侯道高上
嗣宮牆累仞高山仰止承華之闈更似通德之
門博望之園反類華陰之市家丞庶子金入四
科洗馬後車俱通六學轉金路而下辟雍晬玉
裕而經槐市詳其懸鏡高堂衢樽待酌瞻後忽
前博文約禮將使東極長男之宮不獨銘於銀
榜南皮太子之序豈徒擅於金碑

陶隱居朱陽館碑

昔太和中，有許遠遊者，乃雲霄之勝友，太虛之選客。先生規同矩合，實踵高步，曩基先構，卽駕胥宇，千尋危聳，憑牖以望，奔星百拱，高懸倚楹。而觀朝日飛流，界道似天，漢之橫波，觸石起雲。若奇峰之出岫，銘曰：

肇彼冥默，翻成協贊，身託外臣，心同有亂。重道尊德，爰積叡衷，顧懷汾射，璽問遙通。朱陽鬱起，華構方崇，靜臺冠月，輕榭迎風。嶢嶢高棟，杳靄

修櫳極望山川周觀京陸碧嶂千巔清流萬谷
景落崖重烟生岫複

昔帝制之出幽谷曰

而曠曠日新庶界益以天贊之靈少靈以時雲
昏宇千寧宜登懸朝以望今星百共高懸尚繼
巽客共主賦同朕合寶璽高天大業基共壽
昔太味中百指靈靈生於雲雲之期文太皇
幽烈昌未期於期

善覺寺碑

金盤上疏非求承露玉鳥前臨寧資潤礎飛軒
絳屏若丹氣之爲霞綺井綠泉如青雲之入呂
寶繩交映無慙紫緝之宮花臺照日有跡白林
之地銘曰
聿遵勝業代彼天工四園枝翠八水池紅花疑
鳳翼殿若龍宮銀城映沼金鈴響風露臺含月
珠幡拂空

曠野寺碑

雲楣膠葛桂棟陰崇刻虬龍於洞房倒蓮花於綺井月殿朗而相暉雪宮穆以華壯轆轤題虹梁生於暮雨璩璩銀榜飛觀入乎雲中銘曰圓瑄旦暉方諸夜朗金盤曜色寶鈴成響

郢州晉安寺碑

鳳皇之嶺芊綿映色蓮花之洞照曜增暉山云黃鶴疑鈞天之夜響城稱却月似輕雲之霄蔽銘曰

虹梁紫柱螭楠丹牆綺井飛棟華棖璧璫應龍若動威鳳疑翔玉鳥霄潤金池夕光朱城却稅紫陌潛通塹柳朝綠江暉暝紅落霞將暮鮮雲夕布峯下陽鳥林生陰兔分珮隔浦皇檣隱霧俱聽法鐘同觀寶聚

歸來寺碑

幡影颺於絳臺梵聲依於應塔三相不畱蕭蠶
終壞八苦遐長燈蛾未已銘曰
鈴隨風振盤依露泫丹桂無枝朱楊自翦九苑
萌枯三昧葉卷疏樹搖落翻流清淺

鍾山飛流寺碑

清梵夜聞風傳百常之觀寶鈴朝響聲揚千秋
之宮同符上隴望長安之城闕有類偃師瞻洛
陽之臺殿瞰連薨而如綺雜卉木而成帷銘曰
雲聚峯高風清鐘徹月如秋扇花疑春雪極目
千里平原迢迤

攝山栖霞寺碑

金池無底已通寶漸之側玉樹生風傍臨綵船
之上七重欄楯七寶蓮花通風承露含香映日
銘曰
苔依翠屋樹隱丹楹澗浮山影山傳澗聲風來
露歇日度霞輕三災不毀得一而貞

玄圃牛渚磯碑

竊以增城九重僊林八樹未有船如鴈鶴時度
宓妃橋似牽牛能分織女丹鳳爲羣紫芝成列
清風韻響卽代僊歌桂影浮池仍爲月浦銘曰
璧月朝暉金樓啓扉畫船向浦錦纜牽磯花飛
拂袖荷香入衣山林朝市併覺忘歸

盧山碑

夫日月麗天皇穹所以貞觀川嶽帶地后土所以維寧廬山者亦南國之德鎮雖林石異勢而雲霞共色長風夜作則萬流俱響晨颺曉吟則百嶺齊應東瞻洪井識曳帛之在茲西望石梁見指寶之可拾誠復慕類易悲山中難久攀蘿結桂多見淹留

荊州長沙寺阿育王像碑

蓋聞璇璣玉衡穹昊所以紀物金版玉文淳精所以播氣何則咸秩社首義盡於寰中鑄鼎馮翊未窮於系表况復道冠萬靈理超千聖智周十地行圓四等變海成酥移山入芥針鋒廣說藕絲見道惠音八種面門五色組鉢生華入青樓而吐曜金牀照采出紫殿而相輝纔度蓮河卽處天冠之寺始遊羅衛便居堅固之林斯蓋俯應閻浮未臻常樂降情誘接豈窮妄相若乃

境無引汲智生淺深明同一體感起十重七地
初乃方稱變易三達後心因窮智種然俱冥四
德脫屣雙林示表金棺現焚檀檣浩浩焉不可
知已却望五津距青蓮之洞傍臨三天帶明月
之流

衡山九貞館碑

簫鼓騰空煙霞相接星辰奪采燈燭非明風牖
雲梁千門萬戶樓施九柱已同瀨鄉之地山帶
五城復類玄洲之所玉版之經猶蘊金丹之處
存焉上月臺而遺憂登景雲而忘老欣欣然不
知所以而然日暉石瓦東眺靈壽之峰月蔭玉
牀西瞻華蓋之嶺竹類黃金旣葳蕤而防露木
似紅蓮且芬披而拂日杯傳九醞隱淪之車晨
至堂開四扇西楹之鐘夜響

青谿山館碑

原夫法象莫過於天地著明莫過於日月鼓之以雷電潤之以風雨咸秩無文所以名山致祭峻極於天青谿山者荆南之中岳也隱隱干霄亭亭無際雲蓋三層如在帝臺之側桂林八樹非異景山之傍輕霞亘起影落照於陽谿清風遠至響猿鳴於巫峽西臨百丈之穴南帶千仞之水洪源湛淡長波縈復

揚州梁安寺碑

竊以陽之有宗者莫擬於靈鳥夜之有光者孰踰於陰兔故以日門見羲和之色月殿望奔娥之象而合璧迢迢丈尺猶且莫量朗鏡悠遠積空之所不算復有紫鳳青龍之水却月朝霞之山白珪玄璧餞瑤池之上銀闕金宮出瀛洲之下空臺四柱隨仙衣而俱颺寶壑三重映瑞園而涵影旃檀散馥無復圓覺之風地湧神龕皆成多寶之塔

荊州放生亭碑

魚從流水本在桃花之源龍處大林恒驗浮雲
之路豈謂陵陽垂釣失雲失水莊子懸竿吞鉤
吞餌雖復玄龜夜夢終見取於宋王朱鷺晨飛
尙張羅於漢后譬如黃雀伺蟬不知隨彈應至
青鸕逐兔詎識杠鼎方前北海之食鸚鵡未始
非人西王之使傳信誰云賤鳥故知魚鳥一觀
俱在好生欲使金牀之鴈更及衡陽之侶雪山
之鹿不克食苹之宴

莊嚴寺僧旻法師碑

夫宏才妙物雲液之所降生獨振孤標倫類之
所遠絕是故隨光燭魏非析水之恒珍和璧入
秦豈潤山之常寶僧旻法師蓋天地之淳精宇
宙之瓌噐本姓孫氏有吳開國大皇帝其先也
法師道藹二儀德克四海含春夏之生長抱日
月之貞明辭旨清新置言閑遠千門萬戶必臻
其奧九部五時若指諸掌坦然夷易豁爾洞開
故緇素結轍華戎延道晨風之鬱比林龍魚之

趨深澤哲人云逝指南誰屬銘曰

永離百非聞之寂滅苟云未樹共歸今轍方墳
結構伽藍罷設朱火一潛青松長列

梁元光宅寺僧正法師碑

昂昂千里孰辨騏驎之蹤汪汪萬頃誰識波瀾
之際望之若披雲霧覩之如觀日月至乃耆年
宿望蓄思構疑懸鐘無盡短兵有倦猶若分旦
望景履氷待日莫不傾河注燭虛往實歸皇帝
革命受圖補天紉地轉金輪於忍土策緝馬於
閭浮逸翮方超圖南轍軌豈直盡茲相府著彼
義年方當高步仙階永編金牒繁霜凝而旦委
松風淒而暮來悲馬鳴之不反望龍樹而心哀

銘曰

澄月夜虧清氣旦卷曾巒遠岸蒼江傍緬

望景露米封日莫不則所武獸望出實繼皇帝

前望蓄思懃矣總蝨無盡或兵林對辭安公且

之測望之若琳雲霧驟之既歸自且生以言半

是是千里時辨無翻之報玉玉萬里端端或獸

光字寺會五去開轉

梁元帝御製集卷之十

梁世祖孝元皇帝蕭繹著

銘

漏刻銘

玉衡稱物金壺博施司南司火未符茲義帝曰

欽哉納隍斯譬實惟簡在窮神體智宮槐晚合

月桂宵暉清臺莫爽解谷胥依七分六日五祀

三微事齊幽贊乃會通幾碧海有乾絳川猶竭

飛流五色涓涓靡絕龍首旁注仙衣俯裂箭不

停晷聲無暫輟用天之貞分地之平如絃斯直
如渭斯清

梁安寺刹下銘

有序

阿閣巖羅洞房窳窳似靈光之金扇類景福之
銀鋪垂琬琰之文璫飾琅玕之仙寶神童戾止
亟連翩於威鳳薩垂來遊屢徘徊於緝馬有識
之所虔仰無著之所招提觀慧樓而下拜望天
街而興善辭曰

塵沙無始造色無先飛蛾不息縈蠶自纏篋蛇
未斷藤鼠方緣苦流長汎愛火恒燃髻珠孰曉
懷寶詎宣挺茲靈覺時惟天仙真籍表聖化乳

稱權寶刹千道高旛四懸鳳樓含日龍臺吐煙
紫山翠羽紅水青蓮雪宮月殿晨暉夜圓宵長
梵響風遠鐘傳仙衣有拂靈刹無邊

東宮後堂僊山銘

太華削成本擅奇聲峰如雪委嶺若蓮坐雲除
紫蓋霞通赤城金壇是籙玉詆題名鳳依桐樹
鶴聽琴聲殿接南箕橋連北斗秋河從帶春禽
銜綬朱鳥安窓青龍作牖

香鑪銘

蘇合氤氳非煙若雲時穠更薄乍聚還分火微
難盡風長易聞孰云道力慈悲所薰

贊

職貢圖贊

北通玄兔南漸朱鳶交河悠遠合浦廻遘茲海
無際陰山接天遐哉鳥穴永矣雞田

雖賤不誅貴卑不誅尊卑不誅
號也被於物者治定之實錄也
手鍾石昭晰備於敘管若為伏
虛作聖功起三五聲論七十仰
運載潛載躍乃武乃文先是本
運載潛載躍乃武乃文先是本

香鑪銘

蘇合氤氳非煙若雲
難盡風長易聞

無剝削山勢天張若鳥穴未矣樂田

其風之與南浦未嘗不向

淵貢圖贊

贊

謚議

高祖武皇帝謚議

臣聞翼善傳聖曰堯仁聖盛明曰舜受禪成功
曰禹除虐去殘曰湯謚者行之跡號者功之表
雖賤不誅貴卑不誅尊而彰乎名者盛德之嘉
號也被於物者治定之實錄也斯所以聲明煥
乎鍾石昭晰備於絃管者焉伏惟天縱欽明惟
睿作聖功超三五聲踰七十仰之彌高就之彌
遠載潛載躍乃武乃文先是未運告終羣后改

屬乾維罔構地紐如崩祧祀階危公卿肝食九
牧有淪胥之悲八表興橫流之歎乃凝威黑水
表瑞丹陵雲合景從表裏禔福受終文祖允恭
克讓知黔首不可以無歸蒼生不可以無主降
汾陽之遠志不得已而臨之於是類帝禮宗革
命創制禘郊式展殷薦斯潔臨茲大寶化與和
氣俱宣扇此王風政與秋霜並肅言懸日月功
格區宇不以紫宸爲貴不以黃屋爲尊政謚刑
措民殷國阜虹旌式卷堡燧載清胥象相因環
楛無曠天衢亨泰王道升平南海候風東溟奉
貢膏露凝枝慶雲觸石山開蒼壁地出玄珪驪
騎把鉞則休屠款塞太尉抗旌則名王蹙角聲
教所漸浹靈虵之都威令所行通燭龍之外開
庠建序布濩於成均正俗移風氛氲於司樂虛
納十亂引諒直之規廣闢四門弘招賢之德青
衿知擊壤之性黃髮恣鼓腹之歡加以鑽味微
言研精至道文終所牧之典史倚所讀之書無
輟萬機日且千遍馳郁郁之聲表乾乾之德允

所謂皇哉君哉日用而不知者矣方且告成岱
嶽鏤升中之玉簡昭事梁甫秘禮首之金繩而
文王明夷事侔往冊黃帝橋山痛深前典萬有
淪傷三辰掩曜人祇軫慕山海含悲慟切陟方
哀深遏密煩寃荼毒實切心髓風樹不靜陟岵
何期思所以欽若九功仰禋七德

墓誌銘

中書令庾肩吾墓誌

荆山萬重地產卞和之玉隋流千仞水出靈蛇
之珠故能胤茲屈景育斯唐宋掌庾命族世濟
琳瑯遂昌開國蟬聯冠冕父易高尚其道肥遁
貞吉關吏早逢夙表真人之氣少微晚映還彰
隱士之星肩吾氣識淹通風神閒逸鐘鼓辭林
笙簧文苑入爲度支尚書任同北斗錫韓稜之
劍朝比南宮識鄭崇之履余以其爲人也瑚璉

梁元帝集 卷一
之器無慚垂棘杞梓之材有均廊廟故贈散騎
常侍蓋旌賢也

侍中吳平光侯墓誌

惟嶽降神表山甫之德敬如君所顯成季之徵
潔靜精微岐嶷天挺學兼義府談均理窟歷太
子洗馬八人掌籍爲崇賢之領袖五日來朝冠
承華之楷模遷豫章內史法并鸞峰甘露歲下
蕭崖鶴嶺連理成陰徵爲太子左衛率遘疾薨
于道頗類陶基民號燕北取譬羊祜巷哭荆南
副君早垂隆眄憫其石火瞻斯翠蓋忽變丹旒
方使桓侯石椁載銘盛夏滕令佳城式鐫韶濩

特進蕭琛墓銘

山東流水關西成市義府辭鋒風飛雲起遊楚
宦梁桂馥蘭芳蓮花可賦迷迭成章學類五行
書倅三篋已研金匱兼探玉牒石詞旣擬樂社
茲同桃李成徑松栢爲叢天地長久永扇高風

太常卿陸倕墓銘

如金有鑛如竹有筠體二方擬知十可鄰兩升
鳳沼三侍龍樓南皮朝宴西園夜遊詞峯飈豎
逸氣雲浮日往月來暑流寒襲東耀方遠北芒
已及墜露曉團悲風暮急

散騎常侍裴子野墓銘

幾原博聞裁爲典墳比良班馬等麗卿雲薰藉
旣別涇渭以分聖皇御極欽賢旰顧儲后將聖
降情文苑旣匹嚴朱復同徐阮如何不憇卜期
不遠

黃門侍郎劉孝綽墓銘

蔡墨攸陳有草有苗梁荆世積或魏或秦積善
餘慶時推俊民孝乎惟孝其德有隣曰風曰雅
文章動神鶴開阮瑀鵬翥楊循身茲惟屈扶搖
未申人罔石火山有楸椿佳城無曙寒野方春

庚承先墓銘

悠哉掌庾興自陶唐伯舅居晉連鑣渭陽爰斯
厥後世挺珪璋乃登靈岳言遵洞府乃涉名山
將從輕舉實惟貞吉實惟退讓皎皎不羣超超
高尚本同壽夭寧論得喪諸方未遊佳城已望
蓬生蔣徑釣罷磻谿櫛悲新隴桃餘故蹊風翻
嶺背月下松西揚名不朽高蹈夷齊

祭文

釋奠祭孔子文

粵若宗師猗歟乃聖惟岳降神惟天所命上善
如水至人若鏡

祭顏子文

欽哉體一亞彼至人乍分介石時知落鱗不先
稱寶席上爲珍致虛守靜曲巷安貧欽風味道
其德有隣

附錄 祭東耕文

三農九穀爲政所先萬箱億庾是日民天繫禱
斲耜書美厥田花開杏樹凍解新泉當使黍稷
莫莫民翳胥樂甘雨祈祈遂及我私我私之熟
表裏禔福禔福中田歲取十千是薦是麥登頌
有年 一日彌加感

素稟甄甄甄甄中田歲年十千長蕭長家登殿
莫莫男翟習樂甘雨而而後及及及及及之燕
澹味書美洲田芬開水樹東新新新新新新
三豐武曠為近洲水蕭前道與長日天壽無
祭東燕文

附錄

世祖本紀畧

唐姚思廉

世祖聰悟俊朗天才英發年五歲高祖問汝讀
何書對曰能誦曲禮高祖曰汝試言之即誦上
篇左右莫不驚歎初生患眼高祖自下意治之
遂盲一目彌加愍愛既長好學博總群書下筆
成章出言為論才辯敏速冠絕一時高祖嘗問
曰孫策昔在江東于時年幾荅曰十七高祖曰
正是汝年賀革為府諮議勅革講三禮世祖性

不好聲色頗有高名與裴子野劉顯蕭子雲張
纘及當時才秀爲布衣之交著述辭章多行於
世在尋陽夢人曰天下將亂王必維之又背生
黑子巫媪見曰此大貴兆當不可言初賀革西
上意甚不悅過別御史中丞江革以情告之革
曰吾嘗夢主上遍見諸子至湘東王手脫帽授
之此人後必當壁卿其行乎革從之及太清之
難乃能克復故遐邇樂推遂膺寶命矣所著孝
德傳三十卷忠臣傳三十卷丹陽尹傳十卷注

漢書一百一十五卷周易講疏十卷內典博要
一百卷連山三十卷洞林三卷玉韜十卷補闕
子十卷老子講疏四卷全德志懷舊志江州記
貢職圖古今同姓名錄一卷筮經十二卷式贊
三卷文集五十卷

史臣曰梁季之禍巨寇憑壘世祖時位長連率
有全楚之資應身率群后枕戈先路虛張外援
事異勤王在於行師曾非百舍後方殲夷大憝
用寧宗社握圖南面光啓中興亦世祖雄才英

梁元帝集 附錄
畧紹茲寶運者也而稟性猜忌不隔疎近御下
無術履冰弗懼故鳳闕伺晨之功火無內照之
美以世祖之神睿特達留情政道不怵邪說徒
蹕金陵左隣疆寇將何以作是以天未悔禍蕩
覆斯生悲夫

世祖本紀畧

唐李延壽

帝聰悟俊朗天才英發出言爲論音響若鐘年
五六歲武帝嘗問所讀書對曰能誦曲禮武帝
使誦之卽誦上篇左右莫不驚歎初生患眼醫
療必增武帝自下意療之遂盲一目乃憶先夢
彌加愍愛及長好學博極群書武帝嘗問曰孫
策在江東于時年幾荅曰十七武帝曰正是汝
年帝性不好聲色頗慕高名爲荊州刺史起州
學宣尼廟嘗置儒林參軍一人勸學從事二人

生三十人加廩餼帝工書善畫自圖宣尼像爲之贊而書之時人謂之三絕與裴子野劉顯蕭子雲張纘及當時才秀爲布衣交常自比諸葛亮桓溫惟纘許焉性好矯飾多猜忌於名無所假人微有勝已者必加毀害帝姑義興昭長公主子王銓兄弟八九人有盛名帝妬害其美遂改寵姬王氏兄王珩名琳以同其父名忌劉之遜學使人鳩之如此者甚衆雖骨肉亦徧被其禍始居文宣太后憂依丁蘭作木母及武帝崩秘喪逾年乃發凶問方刻檀爲像置于百福殿內事之甚謹朝夕進蔬食動靜必啓聞迹其虛矯如此性愛書籍旣患日多不自執卷置讀書左右番次上直晝夜爲常畧無休已雖睡卷猶不釋五人各伺一更恒致達曉常眠熟大軒左右有睡讀失次第或偷卷度紙帝必驚覺更令檄文章詔誥點毫便就殆不游手常曰我韜於文士愧於武夫論者以爲得言始在潯陽夢人

曰天下將亂王必維之又背生黑子巫媪見曰
此大貴不可言初武帝勅賀革爲帝府諮議使
講三禮革西上意甚不悅過別御史中丞江革
江革告之曰吾嘗夢主上徧見諸子至湘東王
脫帽授之此人後必當璧卿其行乎革領之及
太清之禍遂膺歸運自侯景之難州郡大半入
魏自巴陵以下至建康緣以長江爲限荊州界
北盡武寧西拒峽口自嶺以南復爲蕭勃所據
文軌所同千里而近人戶著籍不盈三萬中興
之盛盡於是矣武陵之平議者欲因其舟艦遷
都建鄴宗懔黃羅漢皆楚人不願移帝及胡僧
祐亦俱未欲動僕射王褒左戶尚書周弘正驟
言卽楚非便宗懔及御史大夫劉懿以爲建鄴
王氣已盡且渚宮洲已滿百於是乃留尋而歲
星在井熒惑守心帝觀之慨然而謂朝臣文武
曰吾觀玄象將恐有賊但吉凶在我運數由天
避之何益及魏軍逼閩人朱買臣按劍進曰惟
有斬宗懔黃羅漢可以謝天下帝曰曩實吾意

宗黃何罪二人退入於人中及魏人燒棚買臣謝荅仁勸帝乘暗潰圍出就任約帝素不便馳馬曰事必無成徒增辱耳荅仁又求自扶帝以闕僕射王褒褒曰荅仁侯景之黨豈是可信成彼之勲不如降也乃聚圖書十餘萬卷盡燒之荅仁又請守子城收兵可得五千人帝然之卽授城內大都督以帝鼓吹給之配以公主旣而又召王褒謀之荅仁請入不得歐血而去遂使皇太子王褒出質請降有頃黃門郎裴政犯門而出帝乘白馬素衣出東西抽劍擊闔曰蕭世誠一至此乎魏師至凡二十八日徵兵四方未至而城見剋在幽逼求酒飲之製詩四絕梁王啓遣尙書傅準監行刑帝謂之曰卿幸爲我宣行準捧詩流淚不能禁進土囊而殞之梁王啓使以布屨纏屍歛以蒲席束以白茅以車一乘葬于津陽門外愍懷太子元良及始安王方畧等皆見害徐世譜任約自馬頭走巴陵約後降于齊將軍裴畿畿弟機並被害謝荅仁三人相

抱俱見屠汝南王大封尚書左僕射王褒以下
並爲俘以歸長安乃選百姓男女數萬口分爲
奴婢小弱者皆殺之帝於伎術無所不該嘗不
得南信筮之遇剝之艮曰南信已至今當遣左
右季心往看果如所說賓客咸歎其妙凡所占
決皆然初從劉景受相術因訊以年荅曰未至
五十當有小厄禳之可免帝自勉曰苟有期會
禳之何益及是四十七矣特多禁忌牆壁崩倒
屋宇傾頽年月不便終不修改庭草蕪沒令鞭

去之其慎護如此著孝德傳忠臣傳各三十卷
丹陽尹傳十卷注漢書一百十五卷周易講疏
十卷內典博要百卷連山三十卷詞林三卷玉
韜金樓子補闕子各十卷老子講疏四卷懷舊
傳二卷古今全德志荆南地記貢職圖古今同
姓名錄一卷筮經十二卷式贄三卷文集五十
卷初承聖二年三月有二龍自南郡城西升天
百姓聚觀五采分明江陵故老竊相泣曰昔年
龍出建康淮西天下大亂今復有焉禍至無日

矣帝聞而惡之踰年而薨禍又江陵先有九十
九洲古老相承云洲瀟百當出天子桓玄之爲
荊州漢內懷篡逆之心乃遣鑿破一洲以應
百數隨而崩散竟無所成宋文帝爲宜都王在
藩一洲自立俄而文帝纂統後遇元凶之禍此
洲還沒太清末枝江楊之閣浦復生一洲群公
上疏稱慶明年而帝卽位承聖末其洲與大岸
相通惟九十九云

又

初武帝夢眇目僧執香爐稱託生王宮旣而帝
母在采女次侍始褰戶幔有風回裙武帝意感
幸之采女夢月墜懷中遂孕天監七年八月丁
巳生帝舉室中非常香有紫胞之異武帝奇之
因賜采女姓阮進爲脩容

又

臺城不守長史王冲等請帝爲太尉都督中外
諸軍事承制主盟帝不許曰吾於天下不賤寧
俟都督之名帝子之尊何藉上台之重議者可

斬投筆流淚

又

主衣庫見黑蛇長丈許數十小蛇隨之舉頭高
丈餘南望俄失所在帝又與宮人幸玄洲苑復
見大蛇盤屈於前群小蛇遶之並黑色帝惡之
宮人曰此非恠也恐是錢龍帝勅所司卽日取
數千萬錢鎮於蛇處以厭之因設法會赦囚徒
振窮乏退居栖心省又有蛇從屋墮落帝帽上
忽然便失又龍光殿上所御肩輿復見小蛇縈
屈輿中以頭駕夾膝前金龍頭上見人走去逐
之不及城濠中龍騰出煥爛五色竦躍入雲六
七小龍相隨飛去群魚騰躍墜死於陸道龍處
爲窟若數百斛圖舊大城上常有紫氣至時稍
復消歇

又

先是魏使宇文弼來聘齊使又至江陵帝接
弼恕有闕魏相安定公憾焉乙巳使柱國萬紐
于謹來攻冬十月丙寅魏軍至襄陽梁王蕭譽

率衆會之丁卯停講內外戒嚴輿駕出行城柵
大風拔木丙子續講百寮戎服以聽詔徵王僧
辯十一月甲申幸津陽門講武置南北兩城主
帝親觀閱風雨總集部分末交旗幟飄亂帝趣
駕而回無復次序風雨隨息衆竊驚焉乙酉以
領軍胡僧祐爲都督城東城北諸軍事右僕射
張綰爲副左僕射王褒都督城西城南諸軍事
直殿省元景亮爲副丁亥魏軍至柵下丙申徵
廣州刺史王琳入援丁酉大風城內火燒居人
數千家以爲失在婦人斬首尸之是日帝猶賦
詩不廢以胡僧祐爲開府儀同三司庚子信州
刺史徐世譜晉安王司馬任約軍次馬頭岸是
夜有流星墜城中帝援著筮之卦成取龜式驗
之因抵于地曰吾若死此下豈非命乎因裂帛
爲書催僧辯曰吾忍死待公可以至矣戊申胡
僧祐朱買臣等出戰買臣敗績辛亥魏軍大攻
帝出枇杷門親臨陣督戰僧祐中流矢薨軍敗
反者斬西門守卒以納魏軍帝見執如梁王蕭

營營甚見詰辱他日乃見魏僕射長孫儉譎儉云埋金千斤於城內欲以相贈儉乃將帝入城帝因述營相辱狀謂儉曰向聊相譎欲言耳豈有天子自埋金乎儉乃留帝於主衣庫十二月丙辰徐世譜任約退戍巴陵辛未魏人戕帝

丹陽尹湘東王善政碑

梁裴子野

皇上建顯號垂鴻名廣大配乎天地光華象乎日月長駕遠撫橫逸乎都外策鏡區域克塞乎無垠上冠九垓旁濟八表制禮以告成功作樂以彰治定福應允臻祥慶符合六府孔脩九官咸事於往歲也有司奏以湘東王爲宣惠將軍丹陽尹旣而下車爲政振民育德循名責實舉無遺慮若夫據饋累起求賢如不及卑身折節用人若由己玉帛旅於丘園辟書交乎塗路求

餘論於故府想遺風於舊哲延儒生於東閣命
文學於後車重門洞啓列筵廣置四民總至獄
訟殷集王兼而治之綽有餘裕上弘其禮下悅
其風虛往實歸人得所至由是百吏仰成具僚
歛衽千里之間有懷必亮躬親勸課賦政授時
辨相物宜務盡地利由是仍歲有秋餘糧栖畝
是以摺紳先生愀然相顧遂造象魏拜而陳之
有詔報曰纖介之善春秋必書吏民歸美難用
抑絕於是二三君子歡得所奏乃擇工良匠追
石名山撰德選辭興事篆刻俾萬代之下知斯
文之在斯銘曰

泮泮禹迹經啓萬方平秩肇定曰若我皇弁包
九域畫野分疆猗歟帝子曰就月將疏爵分品
奄有瀟湘君王先啓旣表南國肇允神童翻飛
上德導達玄微優游翰墨行成師範文爲麗則
帝曰爾諧出康庶績勿替敬典大猷允迪我王
顯允洵美且麗夙夜乾乾有隆無替光贊大朝
庇民濟世京邑翼翼永承嘉惠

日爾請出東燕燕於替婚與大猶於此宋王
 上高尊義文燦燦輝墨行如兩輝文為墨限
 奪百歡勝昔王去欲須素南國筆介無重鑿乘
 於汝畫裡八國商煥帝千日錄月然源體公品
 其學禹後慈智清文平恭筆式日若若星若也
 文公亦復能日
 百各山對寄異類與事案賦州萬八之可或機

答湘東王示忠臣傳牋 梁王 筠

竊以孝實天經忠為令德百行攸先一心靡惑
 昔淮南鴻烈事無的淮沛王通論義止儒術東
 平獲譽良為片言臨淄見稱文辭小道孰若理
 冠君親義兼臣子謹當宣示遐邇光揚德音

武吉縣羨兼百子藍當宣示茲嚴以勸新音

平藝譽身爲宗言

首哉南歐恩華無

以奉實天

荅湘東王書

謝幾卿

下官自奉違南浦卷迹東郊望日臨風瞻言佇
立仰尋惠渥陪奉游宴漾桂棹於清池席落英
於曾咀蘭香兼御羽觴競集側聽餘論沐浴玄
流濤波之辯懸河不足譬春藻之辭麗文無以
匹莫不相顧動容服心勝口不覺春日爲遙更
謂脩夜爲促嘉會難常搏雲易遠言念如昨忽
焉素秋恩光不遺善謔遠降因事罷歸豈云栖
匪商官理就一廛田家作苦實符清誨本

乏金羈之飾無假玉璧爲資徒以老使形疎疾
令心阻沈滯牀篋彌歷七旬夢幻俄頃憂傷在
念竟知無益思自祛遣尋理滌意卽以任命爲
膏酥擘鏡照形翻以支離代萱樹故得仰慕徽
蘇永言前哲鬼谷深栖接輿高舉遯名屠肆發
迹闕市其人緬邈餘流可想若令亡者有知寧
不縈悲玄壤恨隔芳塵如其逝者可作必當昭
被光景懽同游豫使夫一介老圃得筵
心未席去日已疎來侍未孱連劍飛鳧擬非其
類懷私茂德竊用涕零

昨夜夢君

時衣故言如

陳王後遊士高

類

隱承言前
 迹屬南其人
 不繁悲玄堪
 被光景憐
 酸對味芬
 蘇謝川
 零

和湘東王夜夢應令

武陵王紀

昨夜夢君歸
 賤妾下鳴機
 懸知意氣薄
 不著去時衣
 故言如夢裡
 賴得鴈書飛

侍宴餞湘東王應令

梁庾肩吾

陳王從遊士
 高宴入承華
 金載同連壁
 雕文類
 揀沙落猿時
 動樹墜雪暫
 搖花念此離
 筵促方
 愁別路賒

侍宣猷堂宴湘東王應令

梁庾肩吾

陳王驂駕反副后西園遊並命登飛閣列坐對
芳洲桂巖逢暮序菊水值窮秋行逕簫聲發桐
門琴曲愁徒奉文成誦空知思若抽

和劉明府觀湘東王書 梁庾肩吾

陳王擅書府河間富典墳五車方累篋七閣自
連雲松槩芳帙氣栢燠起厨文羽陵青簡出媯
泉綠字分方因接遊聖暫得奉朝聞峯樓霞早
發林殿日先曛洛城復接限歸軒畏後群

奉和湘東王應令二首 梁庾肩吾

春宵

征人別來久年芳復臨牖燭下夜縫衣春寒偏
著手願及歸飛鴈因書寄高柳

冬曉

隣雞聲已傳愁人竟不眠月光侵曙後霜明落
曉前縈鬟起照鏡誰恐插花鈿

奉和湘東王應令二首 梁劉孝綽

春宵

春宵猶自長春心非一傷月帶圓樓影風飄花

梁元帝集 附錄 十七
樹香誰能對雙燕
暝暝守空牀

冬曉

冬曉風正寒
偏念客衣單
錦粧罷鉛黛
含淚剪綾紈
寄語龍城下
誰知書信難

和湘東王理訟

梁劉孝綽

馮翊亂京兆
廣漢欲兼治
豈若兼邦牧
朱輪塞素帷
淮海封畿地
雜俗良在茲
禁姦擿銖兩
馭黠震豺狸

奉和湘東王應令二首

梁劉孝威

春宵

花開人不歸
節暖衣須變
迴釵挂反環
拭淚繩春線
今夜月輪圓
胡兵必應戰

冬曉

妾家邊洛城
慣識曉鐘聲
鐘聲猶未盡
漢使報應行
天寒硯冰凍
心悲書不成

雜詠和湘東王二首

梁劉 緩

秋夜

樓上起秋風
絕望秋閨中
燭溜花行滿
香燃奩

梁元帝集 附錄
欲空徒教兩行淚俱浮粧上紅

冬宵

別後春池異荷盡欲生冰箱中剪刀冷臺上面
脂凝纖腰轉無力寒衣恐不勝

遺事

元帝嘗言年始十二便已好學時又患疥手不
得拳膝不得屈閑齋張葛幃避蠅獨坐貯山陰
酒時復進之以自寬瘥率意讀史日二十卷旣
未師受或不解一語要自重之不知厭倦帝子
之尊童稚之逸尙能如此

顏氏家訓

元帝常畫聖僧武帝親爲作讚任荊州時畫蕃
客入朝圖帝極稱善又畫職貢圖并序外國貢
獻之事又遊春苑白麻紙畫鹿圖師利像鸛鶴

陂池芙蓉醮鼎圖並有題印傳於代太平廣記

湘東王一日眇嘗與劉諒共遊江濱諒曰今日

可謂帝子降於北渚湘東曰卿言目眇眇而愁

予邪續世說

湘東入援頓兵武城淹留不進蕭賁嘗與王雙

陸食子未即下賁歛手曰殿下都無下意續世說

始元帝與簡文相得而與廬陵王少相狎長相

謗帝之臨荊州宮人李桃兒以才慧得進及還

以李氏行續具狀以聞元帝泣訴於簡文簡文

和之不得元帝送李氏還荊州世所謂西歸內

人者自是二王書問不通

湘東王嘗出軍有人將婦從者王曰才媿李陵

未能先誅女子將非孫武遂欲驅戰婦人徐君

藉曰項藉壯士猶有虞兮之愛紀信成功亦資

婦人之力

梁元帝母阮修容曾失一珠元帝幼吞之謂是

左右所盜乃炙魚眼厭之信宿之間珠便出元

帝尋一目眇太平廣記

鮑正不為湘東王所知及為侯景所焚王聞之

曰忠非紀信利非象齒焚如棄如於是乎得南史

荆州張元始年一百十六歲旅力過人進食不

異湘東王愛奇重異遂留其統南史

梁世莊老周易總謂三玄元帝在江荆間復所

愛習召致學生親為教授廢寢忘食以夜繼朝

至倦劇愁憤輒以講自釋顏氏家訓

集評

世祖聰明特達才藝兼美詩筆之麗罕與為匹

梁典
總論

簡文烏棲曲妙于用短元帝燕歌行巧于用長

詩
藪

瘦
在老周易總論

簡文鳥獸曲妙于用賦示帝燕燕篇行以于用

蘇論
劇愁憤軌以謂

世師鄭即卦義木藝兼美精

美信



程